

太上洞淵神呪經卷之十八

制

太上洞淵神呪經卷之十八

制八

定六甲旬內災福祈恩品

道言元始天尊以龍漢元年與五老大帝陰陽二官上真五星七元真君及二十八宿官屬同遊三天境內配定塵寰善惡後至上皇元年甲午之歲降於震旦中華觀此世界諸邦福瑞稀降疫瘴熾盛民多流亡分野水旱相災五穀因茲不熟爾時

天尊嗟嘆愍見群類受災遂乃大設神通顯其道力威光普照鑒於國土諸邦乃召諸天

神仙聖衆諸天龍王龍宮仙童玉女七千二百徒衆及管內山川潭洞祇靈主者俱臻會所瞻禮尊顏聽宣正法時乃風驟雷震甘雨霈霖聖澤霧流蕩滌不祥境土歡泰爾時衆中有一高道號曰明羅越衆前趨叩頭作禮

臣以宿緣沾慶獲侍尊顏大小陽九災運曾沐披宣未審六甲旬中年災從何而起惟希慈照垂賜隆恩則乃朽枿遇於陽和涸鱗逢於春澤於是天尊告曰此理邈然子宜復班吾當示汝吾從初建天地之始乃定天上甲

子地下甲子人中甲子人中甲子者乃有四
時遷謝律行陽候呂運陰期乃分上元中元
下元每一元管六十載今具述一元每年豐
儉休咎子宜隨口編錄將示後來冀顯災福
之年賢者遇其一陽節臨志誠早祈於靈祐

乃爲頌曰

甲子秋

耕民懷苦憂

禾苗不成實

災厄害田疇

但看入秋後

高田不可守

辛苦臨冬春

父子離鄉走

兄弟成路人

妻子單糊口

萬姓悉災述

民隨千里走

乙丑春

瘟疫災害萬民

夏首災疫起

偏傷楚魯人

家類悉糊口

吳地又分張

民奔千里外

六畜悉逢殃

高田但種植

低處傷苗秀

災疫如去年

不得歸家守

丙寅首

猛獸成群走

四海悉揚波

制八

源野連山阜

高田宜種植

嶺畔弄山阜

但看四五月

衆魚庭前走

春初無猛雨

丁卯中

未可逐時風

山際好施功

秋中有大洪

低田災彌起

歲中雖薄熟

倉儲不免空

歲中雖薄熟

八月廿八日

戊辰裏

蟲蝗皆競起

人民遭災疫

婦女悲生死

災害是秋中

稻出山腰裏

低處定難收

必是遭洪水

湖裏蛟龍出

己巳初

階前觀戲魚

禾稻滂皆無

乘舟在陸衢

平路遭淹浸

船行陸路中

欲求乾淨處

須早堅樓居

庚午首

水旱俱應有

秋遭三六九

牽馬湖中走

夏旱夏百日

晚刈必逢災

禾定出高田

秋收早冬首

兵革起非久

辛未年

種植近山邊

初春有大水

夏中必旱然

吳地應無事

荆楚被災纏

夏首雖微旱

秋泉遍滿源

不免病災起

家家被率牽

壬申候

高田難保守

乘車行瀆中

不見吳興部

倉儲多偏促

家家無升斗

北地遭連厄

九離皆並受

兼疫發登萊

平復吳江口

癸酉年

高低不可憐

春初先作旱

夏首水連連

末秋風火急

禾稻不豐鮮

但看齊魯地

此處是荒年

甲戌中

春首被災蟲

夏景逢災旱

秋冬又被洪

高田虛種植

必定見蒿蓬

欲知災厄地

燕魏及山東

乙亥初

水旱遍通渠

災厄由此起

大鬼鎮城居

遠應定九五

得失未年初

種得禾苗處

高低然可居

丙子過

種田出江河

作植民憂苦

種苗被害多

災鼠成群隊

十兒同一窠

虔詣神祇佑

保護上期禾

丁丑改

田夫難自在

春初雖種植

秋首成河海

牛馬被災傷

京兆最驚忙

欲知苗秀處

稻出去年場

戊寅年

山頭好作田

陸路成江澗

飢民死道邊

魚鼈同兔走

高岸稱栽蓮

但看孟夏末

庭前好闢船

巳卯到

高處田苗好

春初雖乏水

秋夏連江浩

楚魯受其災

吳會蒙恩造

其年皆豐稔

種作偏宜早

庚辰至

燕魏人災起

畜類亦如然

田苗被蟲死

山際好施功

吳地耕民喜

低處遭淹浸

中高甚豐美

辛巳造

頰尾戲庭溜

魚行衢巷間

稻苗秀山阜

種植但向前

施功莫在後

低處有災殃

中高甚豐厚

判八

壬午春

水旱不調均

四

低處戲遊鱗

非但只飢荒

亦懼兵災頻

疫癘連年起

飢餓亦多述

癸未中

一井五家同

春夏逢茲瘴

秋來又被洪

但看吳楚地

并及在山東

向西荒災起

田父但施工

甲申湊

憂懼應非久

車行湖濱中

驟馬三河口

移居定不回

此是災中咎

稻出五湖邊

不用耕山阜

乙酉遷

春旱必應然

三家同一井

災從吳會連

種作生涯處

皆慕五湖邊

不用耕山阜

高處是荒田

丙戌年

秋來枯井泉

夏首雖然水

向後地焦然

此歲雲龍起

稻出五湖邊

中高徒種植

必定被災纏

丁亥餘

吳分好安居

高低通見熟

荒歉在洪廬

泗城皆厄難

燕楚最荒虛

歲中雖薄稔

災水在春初

戊子過

田父好耕坡

災蟲夏末有

秋中災害多

水旱數相尋

蟲鼠不偏頗

制八

五

低田不須種

高處有微禾

己丑者

災殃遍天下

瘟黃害鄭地

田夫船作馬

六畜悉逢殃

種植中高野

鬼行諸般病

着者難解謝

庚寅中

高地好施功

雖復有微旱

水與去年同

低地得微熟

中高最是豐

野獸連群走

高低路並通

辛卯禾

早種不須多

秋洪作禍故

山際水成波

早種又復旱

晚植那應好

但看秋景後

魚戲於人道

壬辰祀

禾被蟲災死

并及害萬民

六畜亦如是

低禾不用耕

種植山腰裏

早作劣堪收

晚種難准擬

癸巳紀

高低無准擬

中田又被殃

粟麥歸山裏

此歲有災傷

低處多逢水

舊有書喫除

新又多無備

甲午初

水旱定難除

車馬行湖底

船則納山居

低田縱耕植

冬藏定是無

欲知成家處

山際但耕鋤

乙未首

田種三江口

吳地養民邦

京兆多災咎

非但是災災

妖災爭來湊

流浪逐風波

值死寧非久

丙申年

高低未可遷

五湖堪種棘

來去並皆然

若見當災處

斗米值千錢

欲知安樂處

江南最可憐

丁酉側

高低徒種植

三家共一井

湖底生荆棘

江東並出鄉

齊魯皆逐食

西隴濠楚憂

東南未休息

戊戌木

江南豐稻穀

燕魏定飢荒

三載留空屋

男子被兵牽

亦有歸門哭

制八

六

妻子見分張

各自相追逐

巳亥間

江南最可憐

不必看高下

通熟滿山川

災臨西部地

飢荒似去年

邊隅多擾擾

後更見憂煎

庚子末

居家無定活

禾苗被害多

親戚相欺奪

糊口並無餘

妻子單眠活

江南雖得熟

向後亦號哭

災殃則應逢

處處唯空屋

辛丑於

災臨定不虛

吳越災千里

當之是夏初

但看入秋首

蟲蝗處處有

飢殍死他鄉

畜類多災咎

壬寅金

猛獸結群侵

種植依山阜

庭戶闕過尋

稻出高田裏

逢災是魏秦

乘船於陸地

高城浪湧溟

癸卯歲

晉魏逢災害

值旱隔三秋

向應成兩載 田疇多乏水 高低失准擬

人物竟喧爭 阨據中城裏

甲辰候 災蟲處處有 其歲足災殃

偏苦三江口 粟麥最為佳 春夏耕山阜

江南雖薄熟 不免遭兵寇

制八

七

乙巳至 地底蛟龍起 此歲主飢荒

乘船於陸地 蘇湖被波濤 吳地得全刈

禾稻出高田 向去多宜利

丙午餘 水旱無定圖 忽來即時沒

若旱井泉枯 水族成兔鹿 雞犬變成魚

稻出低田內

高處不須鋤

丁未紀

種植山腰裏

低處不須耕

憶民遭餓死

非但逢災水

亦乃干戈舉

吳地是平邦

厄在燕齊楚

戊申末

江南民獨活

高低總得收

災蟲俱自滅

此歲八穀豐

人畜皆歡悅

官吏遂階遷

諸道咸通徹

已酉年

耕民但作田

蟲災豈皆有

瘟災亦易痊

山坡堪種植

斗米直三錢

低處微傷水

中高甚可憐

庚戌秋

人民不可愁

江南雖小旱

亦未外方求

倉儲皆得滿

禾稻美秋收

田夫俱喜悅

四海盡風流

辛亥湊

災疫當處受

悖黨害平邦

發在滄陵口

分野有凶災

時應歸隴右

江南微薄熟

不利吳丘阜

壬子直

穀米無人食

江南足可居

東道征無息

泗城歸御道

驛路生荆棘

諸處並荒忙

吳邦堪種植

癸丑來

人民定受災

蓬瀛疫病起

齊魯厄殃推

瘟黃災競起

門戶之人開

述蹇仍斯地

桑田又更回

甲寅候

江東足餬口

倉儲處處空

民戶離鄉走

又乃發瘟災

遇厄難脫手

低處必水傷

中高又無有

制八

乙卯中

四海並交通

八

田父美施功

粟麥最為首

偏益在山東

其年多有福

歲內足狂風

種植宜須早

高處莫施功

中低耕最好

高處出蒿蓬

丙辰於

禾苗種陸衢

安泰在濠楚

齊晉受殃殂

亦復多災水

鹿兔雜群魚

是處民乏食

倉庫悉空虛

丁巳周

吳地足風流

倉庫皆盈滿

滄淮人並遊

但令逢聖主

遷官不在求

高低俱得熟

耕民忘却愁

戊午扣

家家有三口

逢患在秋中

少飯多咨咨

高低皆得收

荒災近末後

此歲是豐年

人民得自守

己未裏

畜養逢災厄

五馬博一牛

定知其歲後

糧儲可散求

田中得薄熟

雖乃逢斯難

不至懷苦憂

庚申年

稻穀出高田

夏中有大水

低潛被蟲煎

莫誇苗艷秀

濠楚亦如然

低源勞種植

中高甚可憐

辛酉後

中田將可守

有旱損高源

制八

九

大水淹湖部

早稻被風災

偏苦吳門口

高低未可安

中平的應有

壬戌中

高低盡不同

春夏應遭旱

江南船不通

秋冬定有旱

低地好施功

高田徒種植

終是見蒿蓬

欲知受災處

揚楚及江東

癸亥周

吳分坐無憂

中田最可託

低處不須求

歲後青龍伏

中平並可求

秋冬雖有旱

遠是得全收

爾時天尊歌詠災福偈頌畢明羅真人及諸

仙衆各整威儀同趨作禮臣等宿緣慶厚得
遇慈尊宣演歷劫福元告示循環災數決開
昧目鑿洞愚心欲令末劫道民預防凶歲臣
等不勝慶幸感戴生成之極恩天尊告諸仙
真曰吾適來所頌亦未盡元尚有二甲之年

輪流猶遠未可一時披宣泄吾機範今更示
子妙法傳授有道信義之流取次凡愚慎無
泄漏此一秘法預知一年荒熟安危五穀貴
賤之由子宜鏤骨記錄只宜自曉心委勿示
兇狂無義無信賤徒乃爲頌曰

正朝及立春

宜先逢虎兔

遲在三四辰

不可出初五

得合此限期

穀賤民無苦

若出七八九十中

米貴年荒兼少雨

天尊告諸侍真衆曰吾賦此偈頌乃欲永示

我徒預審凶年荒歲則以積穀禦之若遇災

殃分臨則乃展吾禳祈之法可於孤峯絕頂
或則水上山間不然古跡靈壇亦於公庭蘭
野唯在清淨之地絕穢污之坊乃按三洞巖
科建壇立纂若爲國王台相州牧縣宰則乃
裝三級靈壇開二十四門列十方香筵祈告

制八

十

三清大道太始五老帝君三元官屬四十六
洞天神仙諸靈官名山大川淵澤祇靈盡心
竭力設齋三日散壇大醮一筵亦乃逐其物
力豐儉轉念召龍經典拜奏黃素表章或則
志道口奏表文唯在虔苦師道勿請脫略俺

俗賤流一乃慢於諸天真聖二乃輕侮官吏
士民徒役群心虛消衆物致使祈求無應兼
獲陰罪非輕行吾典教法流宜須驚懼是時
明羅真人及諸仙衆獲聞天尊指示豐儉災
數兼蒙教誨禳禱嚴科各整衣冠虔誠叩頭
禮拜諸真上宰各聳鳳輦龍侍從天尊還陞
玉境所在迎候靈祇及於聞法衆一時還復
本位矣

